

Peqatigiiffiup (ASIP) malittarisassai

Peqatigiiffiup aqqa aamma angerlarsimaffia, nunaqarfittaalu

§ 1. Aasinni Sulinermik Inuussutissarsiuteqartut Peqatigiiffiat

§ 2. Peqatigiiffiup angerlarsimaffia: Aasiaat

§ 3. Nunaqarfiiit: Kitsissuarsuit, Akunnaaq

Siunertaq suliassallu

§ 4. Peqatigiiffiup siunertaraa suliassaralugillu suliffeqarfintti sulusut sinnisaat suleqatigalugit.

- Peqatigiiffiup ASIP-p SIK-lu ingerlatsivii allat, soorlu SIK-p allattoqarfia, kingunissalimmik suleqatiginerisigut ilaasortanut iluaqtissiinissaq.
- Sulisartut aamma lærlingit/ilinniartut sumiiffimmiittut tamaasa ataatsimoortissallugit akissarsiatigut atorfegarnikkullu atugassarisanik pitsasunik kiisalu sullivinni suliffeqarnikkut avatangiisiniq toqqisisimanartunik angusaqarumalluni.
- Isumaqtigiissutit inatsisillu atuuttut – soorlu sullivimmi avatangiisit pillugit – illoqarfimmi/nunaqarfimmi suliffeqarfintti eqquutsinneqartarnissaat sulissutigissallugu.
- Ilaaasortat suliffeqanninnerisa napparsimanerisalu nalaanni pisariaqartitaminnik ikiorneqartarnissaasa sulissutiginissaat.
- Sulisartut peqatigiinneranni kammalaatigiinnerannilu katersuuffiussalluni.
- Ilaaasortat pisinnaatitaaffii pillugit siunnersortassallugit.
- Suliffintti isumaqtigiinnginnerni, soorlu inunnut aalajangersimasunut tunngatillugu suliassani ilaaasortat akuufigisaanni, ilaaasortat soqutigisaannik SIK-p allattoqarfia suleqatigalugu illersuissalluni.
- Illoqarfimmi/nunaqarfimmi suliffintti sulusut sinnisaannik qinersisarnissaq qulakkiissallugu, aammalut sulusut sinnisaasa qinerneqartut aqqinik SIK-p allattoqarfianut ilisimatitsissuteqartassalluni.
- Sulisut sinnisaasa suliaat pillugit sulisitsisunik isumaqtigiissutit malinnejarnissaat qulakkiissallugu.

Ilaasortat

§ 5. Ilaaasortangortinneqarsinnaapput kikkuugaluartulluunniit ASIP-p/SIK-p malittarisassaanik piumasagaataanik naammassinnittut.

§ 6. Ilaaasortangorneq pissaaq immersugassamik immersuinikkut atsiuinikkullu, Ilaaasortaajunnaaneq imaluunniit allannguutit taamatuttaaq nalunaarutigineqassapput.

Ilaasortangornermi sulisartut peqatigiiffiat imaluunniit sulusut sinnisaat saaffigineqartassapput.

Imm. 2. Ilaaasortat nutaat peqatigiiffup sulinera pillugu paassisutissinneqartarnissaannut siulersusut akisussaapput.

Ataatsimeersuarneq

§ 7. Ataatsimeersuarneq tassaavoq peqatigiiffik oqartussaasoq qullerpaaq.

Imm. 2. Ileqquusumik ataatsimeersuarneq ukiut pingasukkaarlugit ingerlanneqartassaaq marsip qaammataa naatinnagu kingusinnerpaamillu ullaat 14-it sioqqullugit najukkami atuagassiatigut nittarsaanikkut, taamaattoqarpat, kiisalu illoqarfuiup/nunaqarfuiup allagarsiiviisigut kiisalu suliffeqarfinni allagartaliilluni ilimasaaruteqarnikkut ataatsimeersuariartoqqusisoqartassalluni.

Imm. 3. Ataatsimeersuarnermi oqaaseqarsinnaatitaasut taasisinnaatitaasullu tassaapput ilaasortat ilaasortaanermut akiliuteqarsimasut tamarmik, pisinnaatitsissuteqarluni imaluunniit allakkatigut taasisoqarsinnaanngilaq.

§ 8. Ileqquusumik ataatsimeersuarnermi ullormut oqaluuserisassat ikinnerpaamik makkuninnga imaqassapput:

Siulittaasup ataatsimeersuarneq ammassavaa.

1. Ataatsimeersuarnermi aqutsisussamik imaqarniliortussamillu toqqaaneq, kiisalu taasinerni kisitsisartussanik.
2. Siulersuisut nalunaarutaat, oqaaseqarfingineqarneralu.
3. Naatsorsuutinik kukkunersiukkanik ilisimatitsissutitut.
saqqummiussineq, oqaaseqarfingineqarnerat akuerineqarnerallu.
4. Malittarisassanut allannguutissatut siunnersuutit, taassisutiginerallu.
5. Siunnersuutit takkuttut.
6. Ilasortaanermut akiliutip aalajangersarneqarnera.
7. Missingersuutit akuerineqarnerat.
8. Siulersuisunut qinersineq.
 - a) Siulittaasoq
 - b) Siulittaasup tullia
 - c) Siulersuisunut ilaasortat pingasut
 - d) Sinniisussat marluk
9. Taasariaqartut allat.

§ 9. Ilasortat peqatigiiffimmut akiliisimasut tamarmik siulersuisunut qinigaasinnaapput.

§ 10. Siunnersuutit ataatsimeersuarnermi eqqartortikkusutat siulersuisunit tiguneqareersimasapput ataatsimeersuarnissaq kingusinnerpaamik ullaat 8-nik sioqqullugu, Ilasortat § 7 imm. 3 naapertorlugu oqaaseqarsinnaatitaallutillu taasisinnaatitaasut tamarmik siunnersuutinik taamaat-tunik saqqummiussisinnaapput, siulersuisut pisussaatitaapput siunnersuutigineqartut nalilersus-sallugit, siunnersuutit ataasiakkaat nalilersorneqareerpata siunnersuutigineqartoq akuerineqass-nersoq, allakkatigulluunniit akiinnarneqarsanersoq siulersuisuni aliagerneqartassaaq.

§ 11. Ataatsimeersuarnermi nalinginnaasumik amerlanerussuteqarnikkut aalajangersaasoqar-tassaaq, malittarisassani allamik allassimasoqanngippat, taamaattorli inummik qinersineq inger-

Ianneqarpat qinersisoqaqqissaq, qinerseqqinnermi taasinerit naliqippata makitsinikkut qinersineq ingerlanneqassaaq.

Imm. 2. Allalluni taasinerit ingerlanneqartassapput, tamanna ataatsimiinnermi peqataasumit – ataatsimit - kissaatigineqarpat, kiisalu siulersuisunut qinigassanngortittut siulersuisuni ilaasortanit amerlanerit qinigassanngortippata.

§ 12. Ataatsimeersuarnermi ASIP-p malittarisassaanut nammineq malittarisassaanut akerliusunik aalajangiisoqarsinnaanngilaq, aalajangiinerillu pisassapput ASIP-p ataatsimeersuarnera ataqqillugu.

§ 13. Ataatsimeersuarnermit imaqarniliaq SIK-p allattoqarfianut nassiunneqassaaq kingusinnerpaamik ataatsimeersuarnermit sap. ak. 3 qaangiutsinnagit.

Immikkut ittumik ataatsimeersuarneq

§ 14. Immikkut ittumik ataatsimeersuartoqarsinnaavoq siulersuisuni amerlanerussuteqartut tamanna pisariaqartutut isigippassuk - ilaasortalluunniit pingajorarterutaasa atsiornermikkut tamanna piumasarippassuk, piumasarineqartoq ullormut oqaluuserisassatut siunnersummik ilaqartinneqassaaq.

Imm. 2. Immikkut ittumik ataatsimeersuarneq ingerlanneqassaaq tamatuminnga piumasaqarnerup siulersuisunit tiguneqarneranit kingusinnerpaamik sap. ak. 3 qaangiutsinnagit.

Imm. 3. Immikkut ittumik ataatsimeersuariaqqusisoqassaaq sivikinnerpaamik ullut 14-it sioqqullugit najukkami atuagassiatigut nittarsaanikkut, taamaattoqarpat, kiisalu illoqarfiup/-nunaqarfiup allagarsiiviisigut kiisalu suliffeqarfinni allagartaliilluni.

Imm. 4. Immikkut ittumik ataatsimeersuarnermi siulersuisunut qinersisoqarpat qinersineq ileqquusumik ataatsimeersuarnissap tulliuttup tungaanut atuutissaaq.

Imm. 5. § 8 aamma §§ 11-13 taamatuttaaq atorneqassapput immikkut ittumik ataatsimeersuarnermi.

Ataatsimiinnerit

§ 15. Ukiuni ataatsimeersuarfiunngitsuni sinniisunut pilersaarutit naatsorsuutillu saqqummiunneqartassapput, aammalu siulersuisuni, sulisut sinnisaannillu qaammammut ataasiarlutik ataatsimiittassallutik, pisariaqartoqartillugulu siulittaasoq ataatsimiigiaqqusisinnaavoq, siulittaasoq peqannginnerata nalaani siulittaasup tullia pisussaavoq ataatsimiigiaqqusissalluni.

Siulersuisut

§ 16. ASIP-mi siulersuisut peqatigiiffiup ulluinnarni aqunneqarneranut akisussaasuupput, pisusaallutillu peqatigiiffiup nammineq malittarisassai naapertorlugit aqussallugu, soorlu siunertat suliassallu § 4-mi taaneqartut sulissutigineqarnerat qulakkiissallugu, kiisalu peqatigiiffiup ataatsimeersuarnerani aalajangiinerit.

§ 17. Siulersuisut namminneq ulluinnarni suleriaasissartik aalajangersaavigissavaat, siulersuisut akornanni suliassat aalajangersimasut agguataarnissaannik minnerpaamik ilaqaartussaq, kiisalu siulersuisut ataatsimiittarnissaannut sulisullu sinnisaannik ataatsimeeqatiginnittarnissamik piler-saaruteqassallutik.

Imm. 2. Siulersuisut aalajangiisinhaassuseqarput siulersuisuni ilaasortat taasinerit naligiippata siulittaasup taasinera aalajangiisuussaaq, siulittaasup peqannginnerani siulittaasup tulliata taasi-nera aalajangiisuussaaq.

Imm. 3. Siulittaasoq immikkoortortaqarfiup ingerlanneqarneranut akisussaasuni qullersaavoq, siulersuisulli aalajangernerisigut tamanna siulersuisuni ilaasortamut allamut akisussaaffittut tun-niunneqarsinnaalluni.

Imm. 4. Immikkoortortaqarfiup ulluinnarni allaffissornikkut ingerlanneqarnera pillugu siulersuisut pisariaqartunik aalajangiisassapput, tamatumani aamma allaffimmi sulisunik atorfinititsinerit soraarsitsinerillu pillugit aalajangiinernik.

Imm. 5. Siulersuisunut ajunngitsorsiat, siulittaasullu tulliata, allaffimmilu sulisut akissarsiaqar-tinneqarnerat, kiisalu sulisut sinnisaasa ajunngitsorsiassaat missingersuusiami ataatsimeersuar-nermi akuersissutigineqartumi allassimassapput.

§ 18. Siulersuisut ataatsimiinnerannit imaqarniliaq SIK-p allattoqarfianut nassiunneqassaaq ataatsimiinnerup kingorna kingusinnerpaamik sap. ak. 3 qaangiutsinnagit.

§ 19. Siulersuisunut ilaasortaq Naalakkersuisunut ilaasortatut toqqarneqaruni imaluunniit borgmesteritut qinigaaguni siulersuisunut ilaasortaajunnaassaaq.

Imm. 2. Siulersuisunut ilaasortaq politikkikkut suliaqarnini pissutigalugu allamilluunniit pissute-qarluni siulersuisunut ilaasortatut suliassaminik isumaginnissinnaajunnaartutut naliliiguni, taanna siulersuisunut ilaasortaajunnaarniarluni aalajangersinnaavoq.

Tamanna taamaallaat piffissamut killilimmut atuuppat, pineqartoq sulinngiffeqarallarnissamut akuerineqaannarsinnaavoq, sulinngiffeqarallarnissamut akuerineqartoq siulittaasuuppat, siulitta-sup tullia sulinngiffeqarallarnerup nalaani siulittaasutut atuutissaaq, sulinngiffeqarallarnissamut akuerineqartoq siulittaasup tullerippagu, siulersuisut aalajangissapput siulersuisunut ilaasortaq sorleq sulinngiffeqarallarnerup nalaani siulittaasup tulliatut atuutissanersoq, sulinngiffeqaral-larnissamut akuerineqartoq siulersuisunut ilaasortaappat siulittaasuunngitsoq imaluunniit siulitta-sumut tullunngitsoq, siulersuisut aalajangersinnaapput sinniisussamik siulersuisunut ilaasor-tanngortoqassasoq sulinngiffeqarallarnerup nalaani atuuttussamik, qinersinermi § 8-mi nr. 7-im i taaneqartumi taaneqarnerpaasimasumik.

Imm. 3. Siulersuisunut ilaasortaq peqatigiiffiup aningaasaataanik atornerluisimasoq siulersuisunut ilaasortaajunnaarsinnejqarsinnaavoq, aningaasanik atornerluisimaneq ilaasortaajunnaarsitsinissaq pitinnagu kattuffiup kukkunersiusuanit uppermarsarneqassaaq, aammattaaq ilaasortaajunnaar-sitsisoqarsinnaavoq siulersuisunut ilaasortaq paassisutissanik allagaatinilluunniit immikkoortor-

taqarfimmut ajoqutaasumik atorneqarsinnaasunik siulersuisunit akuerineqarnani ingerlatitseqqiisi-mappat.

Imm. 4. Imm. 1-3-mi taaneqartutut pisoqarnerani siulittaasoq siulersuisunut ilaasortaajunnaarpat siulittaasup tullia siulittaasunngussaaq ileqquusumik ataatsimeersuarnissami tulliuttumi siulitta-asumik nutaamik qinersinissap tungaanut, taava siulersuisut siulittaasup tullianik nutaamik qinersis-sapput, tamatuma peqatigisaanik siulersuisuni sinniisussaq qinersinermi § 8-mi nr. 7-im i taaneqar-tumi taaneqarnerpaasimasoq siulersuisunut ilaasortatut atuutilissaq.

Siulersuisut aalajangersinnaapput periaaseq qulaani taaneqartoq atornagu immikkut ittumik ataatsimeersuariaqqusisoqassasoq piaarnerpaamik siulittaasussamik nutaamik qinersinissaq siunertaralugu.

Imm. 5. Imm. 1-3-mi taaneqartutut pisoqarnerani siulittaasup tullia siulersuisunut ilaasortaajun-naarpat siulersuisut siulittaasup tullianik nutaamik qinersissapput siulersuisunut ilaasortat akornannit, tamatuma peqatigisaanik siulersuisuni sinniisussaq qinersinermi § 8-mi nr. 7-im i taaneqartumi taaneqarnerpaasimasoq siulersuisunut ilaasortatut atuutilissaq.

Imm. 6. Imm. 1-3-mi taaneqartutut pisoqarnerani siulersuisunut ilaasortamik siulittaasuunn-gitsumik imaluunniit siulittaasumut tulliunngitsumik siulersuisunit tunuartoqarpat siulersuisuni sinniisussaq qinersinermi § 8 nr. 7-im i taaneqartumi taaneqarnerpaasimasoq ilaasortanngussaaq, sinniisussat arlallit amerlaqatigiinnik taaneqarsimappata, imaluunniit sinniisussat taasinerta-qanngitsumik qinigaasimappata, kina siulersuisunut ilaasortanngussanersoq makitsissutigineqas-saaq.

Aningaasaqarneq, naatsorsuutit aamma kukkunersiuineq

§ 20. Immikkoortortaqarfiup ukiumoortumik naatsorsuutaasa qaammatisiutit ukiuat malissavaat.

Imm. 2. Siulersuisut peqatigiiffiup naatsorsuutai akuersissutigissavaat, taakkulu tamatuma kingorna ilisimatissutitut sulisut sinnisaasa ataatsimiinneranni saqqummiunneqassapput.

Naatsorsuutit kukkunersiuisumit SIK-p ataatsimeersuarnerani qinerneqarsimasumit kukkunersior-neqartassapput.

Imm. 3. Peqatigiiffiup naatsorsuuserissunneqarnera SIK-p allattoqarfiani naatsorsuuserisumit ingerlanneqassaaq, taanna aammattaaq peqatigiiffiup konto-inut netbankikkut isersinnaanermut akuersissummik peqartussaalluni, SIK-p allattoqarfiate qaammatit tamaasa naatsorsuutinut allat-tukkat anillatsillugit immikkoortortaqarfimmut nassiuuttassavai.

Atsiornissamut maleruaqqusat aningaasanut akisussaassuseqarneq

§ 21. Peqatigiiffik sinnerlugu atsiorsinnaatitaavoq siulittaasoq aamma ikinnerpaamik siulersuisuni ilaasortaq ataaseq, taarsigassarsiaqarnermi aamma illuutigisamik tunisaqarnermi pisinermilu imaluunniit qularnaveeqqusiusinermi peqatigiiffik sinnerlugu siulersuisunut ilaasortat tamarmik atsioqataassapput.

Imm. 2. Peqatigiiffimmut ilaasortat peqatigiiffiup pisussaaffigilernasaanut inuttut ataasiakkaatut pisussaaffilerneqarsinnaanngillat.

Malittarisassanik allanngortitsineq

§ 22. Malittarisassat taamaallaat ataatsimeersuarnermi 2/3-mik amerlanerussuteqartunit allann-gortinnejarsinnaapput, tassani allanngortitsinissamut siunnersuut ullormut oqaluuserisassani allassimassalluni.

Malittarisassat taakku minnerpaamik imaqassapput aalajangersakkanik peqatigiiffiit malittaris-saanni nalinginnaasuni.

Imm. 2. Malittarisassanik allanngortitsinerit ataatsimeersuarnermi akuersissutigineqarnerminnit atuutilissapput.

Ilaasortaanermut akiliut

§ 23. Ilaasortaanermut akiliut ataatsimeersuarnermi akuersissutigineqarsimasoq kr. 160,00 Ilinniartut, ullullu affaa sulisartut kr. 80,00 akiliuteqartassapput, akiliutit tamarmik qaammammut akiliutaapput, peqatigiiffimmut akiliutip saniatigut S.I.K-mut akiliut ilangunneqartarpooq, anner-tussusaa nakkutilliisoqarnermi aaliangersarneqartarpooq.

Ataqqinaammik ilaasortaqaerneq

§ 24. Ataqqinaammik ilaasortanngortinnejartussamik Peqatigiiffimmut ilaasortat kikkulluunniit siunnerteqarsinnaapput, isumaqarunik Peqatigiiffiup ingerlanneqarnerani pitsasumik malunnaa-tilimmik suliniuteqarluarsimasunut naleqqussaasoqareerneratigut.

Imm. 2. Ataqqinaammik ilaasortanngortitsineq siulersuisuniit ingerlanneqartassaaq, ataqqinaam-millu ilaasortanngortinnejartoq suliffeqarpat akiliuteqarnera unitsinneqassaaq, tunissuteqarfifi-neqartassallutillu juullilernerani aammalu nalliunnerani.

Toqukkut qimaguttoqartillugu

§ 25. A.S.I.P-mut ataqqinaammik ilaasortat toqukkut qimagutsillugit, **I.F.T**-mullu ilaasortaann-gippata ilerrata akiata 1/3-nik akileeqataasoqartassaaq, ilisaaneranilu ataqqillugu erfalasu-lisaartoqartassaaq, kiisalu peqatigiiffimmut siulersuisuni ilaasortaasimasup toqukkut qimagun-nerani naasortaliisoqartassaaq.

Imm. 2. Siulersuisuni ilaasortaq qinigaaffiup iluani toqukkut qimagutsillugu ilisaanerani katinnga-tilisaarluni naasortalerneqarlunilu naalagiarfingineqartassaaq.

Tunuartitsisinnaaneq.

§ 26. Siulersuisuni ilaasortamik tunuartitsineq pisassaaq peqatigiiffiup pigisanik atornerluiso-qarsimappat, ilaasortaajunnaarsitsineq aatsaat pisinnaavoq ukumoortumik immikkulluunniit ataatsimeersuarnermi najuuttut 2/3-isa akuersissutigippassuk, ataatsimeersuarnissaq ullunik 14-

nik sioqqullugu ilaasortajunnaarsinniagaq nalunaarfigineqassaaq, pineqartoq pisinnaatitaavoq suliamut imminut tunngasunit misissuinissaminut, ataatsimeersuarnermilu oqaaseqarsinnaatitaal-luni.

Imm. 2. Uppernarsaatilimmik aningaasanik atornerluisoqarsimatillugu, siulersuisut pisinnaatitaapput peqatigiiffiup aningaasaatai atornerlunneqarsimasut utertinniassallugit eqqartuussivik aqqutigalugu.

Peqatigiiffimik atorunnaarsitsineq

§ 27. Peqatigiiffimmik atorunnaarsitsineq taamaallaat ataatsimeersuarnermi pisinnaavoq, tassani atorunnaarsitsinissaq ullormut oqaluuserissani allassimassalluni, ataatsimeersuarnermilu peqataasut 2/3-isa siunnersuut akuerippassuk.

Imm. 2. Atorunnaarsitsinermi peqatigiiffik akitsoqarpat taakku akiligassaqarfinnut akilerneqassap-put.

Pigisat sinneruttut, tassunga ilanngullugit allattaaviit protokolit, imaqarniliat il.il., SIK-p allattoqarfianut tunniunneqassapput.

Ataatsimeersuarnermi akuersissutigineqartut ulloq 4 mars 2020

Qujana Fleischer

Siulittaasoq

Nuunu Johansen

Siulittaasup tullia

Andrea F. Inûsugtok'

Siulersuisuni ilaasortaq

Panínguak'S. Sandgreen

Siulersuisuni Ilaasortaq

Nikolaj Søholm

Siulersuisuni ilaasortaq